

**Nunavumi Ilihaktut  
Kinauyakhagutikhait  
Makpigaat Atulaat**

Naitumik Ukautait 3

**FA** Manikhanut Ikayuutikhanut  
**NS** tahapkununga Nunavunmi Ilihaqtunut

FANSkut Pilaaktut 4

FANSkut Ilihaktut Maligutikhait 5

Nunavumi Ilaukatauyut 6

Nunavumi Nunakatigiit Nunavumi Ilihakhimayut 7

Nunavumi Nunakatigiit Nunavumi Ilihakhimaitut 8

Nunavumi Ilihaktut Atukigutikhait 9

Piyumayait Ihivgiukhimayut Atukigutikhait -  
tunivaktut piyumayainik kinauyakhait hivuliinit 10

Kinauyakhait ilihaktut aniagutikaktunut 10

Ilaani Ilihaktut (Titigakut/Kagitauyakut  
Ungahiktumi Ilihaktut ilihagutikhait Utiktillaaktut) 10

Kanugitunik Kinauyakhait Ikayugutikhianik  
pilaaktunga? 11

Autlaagutit Ikayugutikhait 12

Kanuk pilaaktatit FANSkut akiligutikhait 13

Uktugutikhait FANSkunut 13

Kinauyakhait Uktugutikhait umigutait ubluit 13

Ilihaktut Ikayugutikhait 14

Ilihaktut Munagitjutikhait 15

**AL** Ininirit Ilihaqtut  
**TS** Ilihamikkut Ikayuutait

ALTSkut Maliktait 16

ALTSkut Pilaagutait 17

ALTSkut Keeliniit 18

ALTSkut Naunaiyautait 19

Autlaagutikhait ovalo Akyagutikhait 20

Nutagaligiyit 21

Uktugutikhait ALTSkunut 21

Kinauyakhait Uktugutikhait Umiktigutait Ubluit 22

Uktugumayut Munagitjutikhait 22

Naamaktut atugutikhait paknaiyagutikhait  
ilihaktitlutit 23

Naitumik Ukautait Atugutikhait Atuktainik 27



Atugutikhait Nunavumi Ilihaktut kinauyakhait pilihimayuit ikayugiaganik akiit ilihagutikhainik ovalo ayoikhaitjutikhainik, tamamik akililaitut akiit.

Pihimagavit ilihaktut kinauyakhainik, ilanganik munagitjutikaktutit.

Hapkoa ilauyut ilinut piyakhatit:

- Pihimalutit nakuuyumiki havagutikhait naunaiyagiaganik ilanganut pikuyait ilihakvini/ayoikhakvini tuniyait.
- Akiliklugit ilihagutitit ovalo hiniktakvitit akiit tamaat

*Kinauyaliugaangani ayonaituk ovalo ayonaktuk akilifaagiaganik. Takulutit tamamik kinauyakhat pitkutait/atulaagutait atugiaganik atuktakhanik.*

## Naitumik Ukautait

Kavamatkut Nunavumi piniaktut ikayugiaganik pinahuaktatit tikitumayanik, tunilutit kinauyakhait ikayugutikhaik ikayugiaganik akiit ilihaktitutit.

Pikaktut MALGUNIK aalatkiit kinauyakhait Nunavumi Ilihaktut:



Ilihaktut ilihagiaktuktut Iliniagiakpaalivimut ilihagutikhait pilihimayuit. Hunauyut Iliniagiakpaalivik ilihagutikhait ukautait?

- Ilihagutikhait tuniniaktut Iliniagiakpaalivimi naunaiyakhimayut Ilihakviit.
- Pilihimayuit piniaktut 12mik ubluinik iniktigutikaktut Inigutait, Iniktigutait ovalo Inikpiagutait.
- Pilutik 60%mik pilihimayuit ilauyut Iliniagiakpaalivimi.

FANSkut piniaktut kinauyakhait atugumayait keelinikangilutik iliniagiakpaalivikhainut. FANSkut maligutikaktut Nunavumi Ilihaktut Kinauyakhait Ikayugutikhait Pikuyakyuamit ovalo Maligaliugutikhait.

Ilaa hapkoa FANSkut kinauyakhait pilihimayuit ilangit:

*Universitimi Inigutait/Inikpiagutait/Iniktifaagutait pilihimayuit*

*Nunavumi Iliniagutait Iniktigutainik Kauyimayatukangit – Munakhiit pilihimayuit*

*Nunavumi Iliniagiakpaalivimi Ilihaktiit Ilihagutikhait pilihimayuit*

*Nunavumi Iliniagiakpaalivimi Munagitiligiyit Ilihaktut pilihimayuit*

*Nunavumi Iliniagiakpaalivimi Inuligiyit Havaktiit pilihimayuit*

*Nunavumi Iliniagiakpaalivimi Hingaihimayut Ikayuktiit pilihimayuit*

**Ihivgiupaklutit Inikpiagutait Naunaiyautait Katitigutainik Iliniagiakpaalivimi pilihimayuit nalungiyaaganik kinauyakhait aalatkiit atulaaktatit uktugumayatit. Hapkoa aalangukataktut ilaani ukiuni.**



Ilihaktut kinikhiayut hivulinik hivumut ayoikhaitjutikhait ilangit hapkoa:

- Angiliniaktait ayoikhaitjutikhatit ovalo piyaanganik pilaaktatinik piyumayatit ovalo havaligiaganik;
- Ihuakhagiaganik pilaaktatit havagumayatit; ovalo
- Ikayugiaganik tikitumayatit keeliniit kitkanit ilihakvinit ovalo iliniagiakpaalivimi ilihagutikhait.

Tikitumayatit ALTSkut pilihimayuit tikitakhait Nunavumi havaktukhat kinikhiaviit piyumayut paknaiyagiaganik Nunavumiut piyaanganik tahapkoa piyumayainik.

Hapkoa ilangit ALTSkut kinauyakhait pilihimayuit:

*Ilihagutikhait hivumut ikayugiaganik havagumayainik*

*Havakvimi ayoikhaitjutikhait*

*Havaliktingit ayoikhaitjutikhait*

*Havaktinagit Ilihagutikhait ayongitakhainik ayoikhaitjutikhait*

*Nunavumi Iliniagiakpaalivimi Tunngaviit pilihimayuit*

Pitkuyugut tamamik ilihagiaktugumayut takulugit Nunaini Havagaagutikhait Hanatiligiyit Havaktiit uktugumaguvit kinauyakhanik piyaanganik uktugutikhatit naamaktut pilihimayuinik.

## FANSkut Pilaaktut

Piyaanganik piyakhait, FANSkunit, ilvit piniaktutit:

- Kanatamiutauyutit ovaluniit inuuhimayutit nunani naunaiyautait;
- Inuuhimayutit nunakalutit Nunavumi (inuuyutit Nunavumi 12mik tatkikhiutini uktuktinagit FANSmik);
- Ilauyutit pilihimayuit hanianik 12mik ubluit ilitagiyauhimayumik Iliniagiakpaalivimi ilihakviit;
- Tamaat ilihaniaktutit (hanianik 60 %mik ilihaktatit naunaiyakhimayut ilihakvimi ilihaniagutainik);
- Havaniaktutit iniktigutikhait, iniktakhainik ovaluniit inikpiagutikhainik;
- Takupkailutit nakuutjutainik hivumut iniktigutainik ovalo ilauyanik; ovalo

FANSkut ilihimaituk tamamik akiit ilihakvikhanik.

Munaginiaktutit tuhaktitlugit inminik ovaluniit kinauyakhait aalanguniaktut aalangugutait ihuakhagiaganik kinauyakhait. Takulugit FANSkut titigakviit kanugitjutait aalangukata ovaluniit ihumaguvit pihimayutit angitkiyainik kinauyakhait.

*Munagitjutikaktutit ilinik akiliklugit ilihakviit. FANSkut akililaitait inminik.*

### Puigungilutit:

- Uktukhimayukhauyutit FANSkunut tamaat ukiumi ilihaktani;
- Akiliklugit ilihagutikhait ilihakvinut kilamik;
- Akhut ihumagilutit kanuk kinauyat atuktakhatit kanuk atuniaktut;
- Tuhaktitlugit FANSkut iluani 30mi ubluit taimaaguvit ilihakvini ovaluniit aalangukata ilihagutitit.

### Aalangukhimayut kanugitjutait imaatut ukakhimayut:

- Taimaakhimayuk ilihakvimit;
- Aalangukhimayuk titigakviit;
- Aalangukhimayuk kinauyakakviit naunaiyautait;
- Aipakaliguvit;
- Havakviit kanugitjutait aipait;
- Aalangugutait kafit nutakatit;
- Aalat kinauyakhait kanugitjutait, ilaa pikataliktatit aalanik ikayugutikhait ikayuktut.

## FANSkut Ilihaktut Maligutikhait



### Nunavumi Ilaukatauyut

Ilaukatauguvit ataani Nunavumi Nunataagutit Angigutaanut, pilaaktutit ilanganik ovalo ilanganut kinauyakhait, akililaitut ovalo piyumayatit ihivgiugutikhait atukiit kitut akiliktakhatit.



### Nunavumi Nunakatiit Nunavumi Ilihakviit

Ilihakhimaguvit ilanganik ovaluniit tamaat ilihakviini ovalo/ovaluniit Iniktigutait Ilihakviit Nunavumi, pilaaktutit atauhimik ukiumik ilihakvikhait kinauyakhainik tamamik pingahut ukiut Ilihakvini nakuuyumik inikhimayatit Nunavumi, nani akilifaalaitut ovalo hivuliit, aipait ovalo piyumayatit ihivgiukhimayut atukigutikhait.

Ilaa:

- Ilihakhimaguvit Krat Kmit Krat 12mut Nunavumi, pilaaktutit hitamanik ukiut atugutikhait kinauyakhainik ovalo hitamanik ukiut hivuliit atukigutikhainik;
- Nuutihimaguvit Nunavumut Krat 9mit ovalo iniguvit ilihakvini, pilaaktutit atauhimik ukiumik hivuliit kinauyakhainik, ovalo hivuliit atukigutikhainik. Ilangit FANSkut kinauyakhait pilaaktut aipaanik atukigutikhainit.

\* ilvit ukiut ilihakviinik tikitinagit April 1mi, 1999 ilaulaaktut mikhaanut pilaaktatit hivulimi kinauyakhait.



### Nunavumi Nunakatiit Nunavumi Ilihakhimaitut

Nunakatiiguhimaguvit Nunavumi kihimi ilihakhimaitkuvit Nunavumi, pilaaktutit atukiklutit talvatuak. Pilaaktutit hivulimik atukigutikhainik atauhimik ukiumik Iliniagiakpaalivimi tamamik pingahut ukiut Nunakatiiguhimaguvit Nunavumi. Utiguvit inuuyaanik Nunavumi piyaanganik hapoa aukigutait akiligiyaanganik. Aipait atukigutait nutaat nunakatiit Nunavumi ovalo akiliniaktait tamaat.

Ilaa:

- Nunakatiiguhimaguvit Nunavumi kulinik ukiunik, pilaaktutit pingahunik ukiut hivuliit atukigutikhait. Hapkoa hivuliit atukigutikhait akililaitut. **UTIGUVIT NUNAVUMUT HAVAGIAKTUGUTIKHAINIK KAFINIK UKIUNIK**;
- Inuuhimavuit Nunavumi malgunik ukiunik, pilaaktutit aipainik atukigutikhait, kitut akiliktakhatit tamaat.



## Nunavumi Ilaukatauyut

Ilaukatauguvit ataani Nunavumi Nunataatutit Angigutaanut, pilaaktutit hapkoninga:

- Hivulinik kinauyakhait;
- Ilanganik kinauyakhait; oval
- Piyumayainik ihivgiukhimayut atukigutikhait.

## + ilatiklugit!

Ilangit katitigutait kinauyakhait ovalo atukigutait

Hivuliit Kinauyakhait  
Ilangit Kinauyakhait  
Piyumayait Ihivgiukhimayut  
Atukigutait



Tamaat Kinauyakhait Ilayugutikhait

Hivuliit Kinauyakhait –  
ikayugutikhait ilihagutikhait,  
akiit ovalo atulaagutikhait akiit:

Tikitlugit \$1,850mik ilihagutikhait  
ILANGANUT ILIHAKTAIT HITAMIIT

Tingmitjutikhait akiit hanianut  
nigiaganut nunait ovaluniit NACmi  
ilihakviit (ilayut nutakatit ovalo/  
ovaluniit aipait/ilakatiit)

Ilanganik Kinauyakhait – ikayugiaganik akiit, ilihagutikhait ovalo autlaagutikhait akiit

FANSkut Tatkihiut Inuuhitjutikhait Ilayugutikhait Ilihaktut Pivaktut Ilanganik Kinauyakhait				
	Aipakaktut Ilihaktut Havaktut Aipait	Aipakaktut Ilihaktut Aipait Havangitut	Avaliitut Ilihaktut Nutagakaktut	Aipakaktut Ilihaktut Tamamik ilihaktut
Ilihaktut	\$1,032	\$1,600	\$1,032	\$1,032
Atauhimik nutakaktut	\$1,344	\$1,850	\$1,600	\$1,600
Malgunik nutagakaktut	\$1,469	\$2,100	\$1,850	\$1,850
Pingahunik nutagakaktut	\$1,594	\$2,530	\$2,100	\$2,100
Hitamanik nutagakaktut	\$1,719	\$2,600	\$2,530	\$2,530
Talimanik nutagakaktut	\$1,844	\$2,850	\$2,600	\$2,600
Ilanganik nutagakaktut	\$125mik tamamik nutagait	\$250mik taamik nutagait	\$250mik taamik nutagait	\$250mik taamik nutagait

FANSkut ihumayut nutagait, aipait nutagait, tiguat ataanik ukiukaktut 18mik inuuyut ovaluniit munagiyait ovalo kinauyakhaiik munagiyauyut ilihaktut ovaluniit Inuit ilihaktut aipakaktut ovaluniit aipait. Nutagait ilaulaaktut avataanik ukiukaktut 18mik ilihaktitlugit Iliniagiakpaalivimi ovaluniit titigakhimayut aniagutikaktut munagiyait.



## + ilatiklugit!

Ilangit katitigutait kinauyakhait ovalo atukigutait

Hivuliit Kinauyakhait  
Hivuliit Atukigutikhait  
Piyumayait Ihivgiukhimayut  
+ Atukigutait

Tamaat Kinauyakhait Ikayugutikhait  
Nunavumi Ilaukatauyut tamaat ilihakhimayut

## + ilatiklugit!

Ilangit katitigutait kinauyakhait ovalo atukigutait

Hivuliit Kinauyakhait  
Aipait Atukigutikhait  
Piyumayait Ihivgiukhimayut  
+ Atukigutait

Tamaat Kinauyakhait Ikayugutikhait  
Nunavumi Ilaukatauyut ilanganik Ilihakhimayut

Hivuliit Kinauyakhait –  
ikayugutikhait ilihagutikhait,  
akiit ovalo atulaagutikhait akiit:

Tikitlugit \$1,850mik ilihagutikhait  
ILANGANUT ILIHAKTAIT HITAMIIT

Tingmitjutikhait akiit hanianut  
nigiaganut nunait ovaluniit NACmi  
ilihakviit (ilauyut nutakatit ovalo/  
ovaluniit aipait/ilakatiit)

## Nunavumi Nunakatigiit Nunavumi Ilihakhimayut

Nunavumi nunakatikakhimaguvit, ilanganik ovaluniit tamaat ilihakhimayut ilihakviini Nunavumi, pilaaktutit hapkoninga:

- Atauhik ukiumik hivuliit kinauyakhait tamamik pingahut ukiunik ilihakhimayait nakuuyuumik inikhimayut Nunavumi;
- Hivuliit atukigutikhait;
- Aipait atukigutait; oval
- Piyumayait ihivgiukhimayut atukigutait.

Ilaa:

- ilihakhimaguvit Krat Kmit Krat 12mut Nunavumi, pilaaktutit hitamanik ukiut hivuliit kinauyakhaik ovalo hitamanik hivuliit atukigutikhaik.

### Krat Kmit – Krat 12mut

12mik ukiut Nunavumi Ilihakhimayut



12mik aviktuklugit 3mit



Hitamanik ukiut hivuliit kinauyakhait  
ovalo hivuliit atukigutikhait

- Nuutitihimaguvit Nunavumut Krat 9mit ovalo inikhimaguvit ilihakviinit, pilaaktutit atauhik ukiut hivuliit kinauyakhait ovalo hivuliit atukigutikhait. Ilangit FANSkut kinauyakhait pilaaktut ilanganik aipait atukigutikhait.

### Puqtunit 9 – Puqtuniqhanut Ilihaqtut Iniqhinit

Hitamat ukiut Nunavumi Ilihakhimayut



Hitamanik aviktuklugit Pingahunit



Atauhik ukiuk hivuliit  
kinauyakhait ovalo  
hivuliit atukigutikhait

## Ilangani Kinauyakhait

Hamna kinauyakhait talvatuak pilaaktait Ilaukatauyut Nunavumi Nunataagutit Angigutaanut.





## Nunavumi Nunakatigiit Nunavumi Ilihakhimaitut:

Nunakatigiiguvit Nunavumi, ilihakhimaitut Nunavumi, pilaaktutit atukigutikhainik talvatuak. Pilaaktutit hivuliit atukigutainik akiligiaganik hivulimik ukiuk Iliniagiakpaalivimut ilihagiaktukhimaguvit tamamik pingahut ukiut Nunakatigiikhimaguvit Nunavumi. Utiktukhauyutit Nunavumut hapkoa atukikhimayut aliligiaganik inminik. Aipait atukigutait nutaat nunakaliktut Nunavumi akiliktakhait tamaat.

## **ilatiklugit!**

Ilangit katigutait kinauyakhait ovalo atukigutait

Aipait Atukigutikhait  
Piyumayait Ihivgiukhimayut  
 Atukigutait

Tamaat Kinauyakhait Ilayugutikhait

Ilaa:

- Nunakatigiikhimaguvit Nunavumi kulinik ukiut, pilaaktutit pingahunik ukiut hivuliit atukigutikhainik. Hapkoa hivuliit atukikhimayut akililaitut **UTIGUVIT NUNAVUMUT HAVAGIAKTUKLUTIT KAFINIK TATKIKHIUTINIK**.

### Nunakatigiigaakhimaguvit Nunavumi

Kulinik ukiunik inuuguvit Nunavumi



Kulinik aviktuklugit pingahunit



Pingahut ukiut hivuliit atukikhimayut

- Inuuhimaguvit Nunavumi malgunik ukiunik, pilaaktutit aipainik atukigutikhait, kitut tamaat akiliktakhait.

**Hivuliit Kinauyakhait –  
ikayugutikhait ilihagutikhait,  
akiit ovalo atulaagutikhait akiit:**

**Tikitlugit \$1,850mik ilihagutikhait  
ILANGANUT ILIHAKTAIT HITAMIIT**

**Tingmitjutikhait akiit hanianut  
nigiaganut nunait ovaluniit NACmi  
ilihakviit (ilauyut nutakatit ovalo/  
ovaluniit aipait/ilakatiit)**

## Ilangani Kinauyakhait

Hamna kinauyakhait talvatuak pilaaktait Ilaukatauyut Nunavumi Nunataagutit Angigutaanut.

## Nunavumi Ilihaktut Atukigutikhait

Ilihaktut atukikhimayait aatjikutauyut aalanit atukigutainit; akiliktukhat.

Munagiyut Ilakatigiit Ikayuktiit tunivaktut ilihaktut atukigutikhainik Nunavumi nunakatigiikhimayut ikayugiaganik akiligutikhait ilihagutainit ovalo inuuhitjutikhait akiit iniktinahuaktitlugit iliniagiakpaalivimut ilihaktut. Tamaat atukilaaktut avataanulaitut:

- \$26,000mik pilaaguvit hivuliit kinauyakhait;
- \$36,000mik pilaitkuvit hivuliit kinauyakhainit.

## Hivuliit Atukigutikhait

Hamna atukigutikhait tunivaktut ikayugiaganik akiit iklinik atuktait, nikikhainik ovalo aanugaakhainik. Hivuliit atukigutikhait tunivaktut ukiuk tamaat pilaaktunut ilihaktut. Hivuliit atukigutikhait pilaaktut ilihaktunut inuuhimayut Nunavumi pingahunik ukiunik ovaluniit avataanut. Utiktukhauyutit Nunavumut hapkoa atukikhimayut akiligiaganik inminik.

- Nunakatigiikhimaguvit Nunavumi kulinik ukiunik, pilaaktutit pingahunik ukiunik haviliit atukigutikhainik. Hapkoa hivuliit atukigutikhait akililaitut **UTIKHIMAGUVIT NUNAVUMUT HAVAGIAKTUKLUTIT KAFINIK TATKIKHIUTINIK**.



Ihumaguvit kinauyakhat piyumayatit angitkiyauniakat titigakhimayanik naunaiyautainit, piniaktutit atukiklutit kinauyaligiynit inminik.

## Aipait Atukigutikhait

Hamna atukigutikhait tunivaktut nutaanut nunakatigiit Nunavumi. Tunivaktut ikayugiaganik akiit ikluit atuktainik, nikikhainik ovalo aanugaakhainik. Aipait atukigutikhait akiliktakhait tamaat.



- Inuuhimaguvit Nunavumi malgunik ukiunik, pilaaktutit aipainik atukigutikhainik, kitut akiliktakhait tamaat.

### Hivuliit ovalo Aipait Atukigutikhait Naunaiyautait UKIUK TAMAAT

	Ilihaktut PIHIMAYUT hivulimik kinauyakhainik	Ilihaktut PIHIMAITUT hivulimik kinauyakhainik
<b>Avaliitut Ilihaktut</b>	\$3,200	\$4,400
<b>Atauhimik Nutagakaktut</b>	\$4,000	\$5,200
<b>Tamamik ilangit Nutagait</b>	\$500	\$500

## Puigunglutit:

Atukigutikhait naunaiyakpaktut nunakatigiigutainit. Pilaaktutit hivulimik atukigutikhainik akiligutikhainik atauhimik ukiuk iliniagiakpaalivimi ilihaktut tamamik pingahut ukiunik nunakatigiikhimaguvit Nunavumi. Hamna ukaktut ilauyut hivuliit ovalo aipait atukigutikhait kaangani ilihagutait iliniagiakpaalivimi ilihaktut. Ataanik pingahunik ukiunik nunaktigiikhimayut, pilaaktutit aipainik atukigutikhait.

Akiligitikhait Kinauyakhait ovalo Atukigutait	
	<b>Piniaktut Akiliklugit</b>
<b>Hivuliit Kinauyakhait</b>	
<b>Ilangit Kinauyakhait</b>	
<b>Hivuliit Atukigitikhait</b>	Akililaitut utigumik Nunavumut havagiaktugumik
<b>Aipait atukigitikhait</b>	
<b>Piyumayait Ihivgiukhimayut Atukigutait</b>	
<b>Kinauyakhait Ilihaktut Aniagutikaktut</b>	

FANSkut Kinauyakhait ihumagiyauniaktut tuhaktiyukhat kinauyaliutait. Piguvit hivuliit ovaluniit aipait kinauyakhainik, piniaktutit T4Amik makpigaat taksiit akilinakhikpat, ilauniaktut taksiit utiktigutainut.

## Piyumayait Ihivgiukhimayut Atukigitikhait – tunivaktut piyumayainik kinauyakhait hivuliinit

**Hanianut \$165mik UBLUIT TAMAAT ilihaktitlutit**

Piyumayait Ihivgiukhimayut Atukigitikhait (NAL) naunaiyapkaktut kinauyakhainik piyumayainut. Uktulaaktut NALmik kakuguinak ilihaktitlugit ukiut kihimi pilaitutit NALmik kingulimit hitamiit/ ukiut. Uktuniaktutit iniktinagit kinguliit hitamiit. Nutaat uktugutikhait hananiaktait tamamik ilihaktut ukiungit piyumayanik piyaanganik NALmik.

## Kinauyakhait ilihaktut aniagutikaktunut

**Hanianut \$8,00mik hanalgutikhait ovalo ikayugutikhait mikhaanut ayoikhaititlugit UKIUK TAMAAT**

**Hanianut \$1,00mik hanalgutikhait ovalo ikayugutikhait tamamik tamaat iniktigutikaktut titigakut ilihaktut**

Hamna kinauyakhait pinahuaktut ikayuklugit kaanganik akiit ilaayut aniagutinut. Uktuktukhauyutit hamna kinauyakhait ilihaktitlutit ukiumi. Tuniniaktutit aniagutit ovaluniit ilihagutainik pilaaktait ihivgiukhimalutik nalungitumit ayongituk ukaklutik kanuk aniagutitit keeliniaktitaatit ilaukatauyaanganik tamaat Iliniagiakpaalivimut.

## Ilaani Ilihaktut (Titigakut/ Kagitauyakut Ungahiktumi Ilihaktut ilihagutikhait Utiktilaaktut)

**Hanianut \$250mik ilihagutikhait ikayugutikhainik**

**Hanianut \$200mik makpigaanik**


**Tamaat naunaiyautainik akiit ovalo titigagutait**

FANSkut kinauyakhainik utiktiniaktut ilihaktunut nakuuyumik inikhimayut Iliniagiapaalivimit kagitauyakut unghahiktumi ilihaktut ovaluniit titigakut ilihaktut.

Nunavumi nunakatigiikhimayutit pingahunik ukiut uktuktinatit ilihagumayanik ovalo tunihimaguvit hivuliit akiligitait, atuktait ilihaniaktainik iniktigutikaktut ovalo angiktauhimayut pilaitutit kinauyakhainik utiktigutainik havaktinit ovaluniit aalanit pitkutainit.

Kanugitunik Kinauyakhait Ikayugutikhianik pilaaktunga?			
	Ilaukatauyut	Nunavumi Nunakatigiit Nunavumi Ilihakhimayut	Nunavumi Nunakatigiit Nunavumi Ilihakhimaitut
Hivuliit Kinauyakhait	✘	✘	
Ilangit Kinauyakhait	✘		
Hivuliit Atukigutikhait		✘	
Aipait Atukigutikhait		✘	✘
Piyumayait Ihivgiukhimayut Atukigutikhait	✘	✘	✘
Kinauyakhait Ilihaktut Anigutikaktut	✘	✘	✘
Ilihaktait Utiktigutait Kinauyat	✘	✘	✘

Kaangani naunaiyautikhait atukikhimayait ilihimaniaktut akiligutainik piligumik ubluanut. Naunaiyautait ilihimaniaktut 1%mik ataanik hivuliit kaangani naunaiyautainit, Ilihimainik Kanatami Kinauyaligiit January 1mi ukiumi nani inikata ilihaktut. Takitjutait ubluit akiligiaganik atuniaktut tamaat naunaiyautait atukikhimayanik. Akililiniaktatit atukikhimayatit kingulianik ubluanut 7mi tatkikhiutit inikhimayanit ilihaktatinit.



**Hanianut nunait hapkoa:**

- Ottawa/Montreal
- Winnipeg
- Edmonton

FANSkut akililaitait ukumaitjutait puukatait akiit ovaluniit aalanguklugit akiit tinmtjutikhait.

Mamiana FANSkut akililaitut ayokhaktunut autlaagutainik. Amigaitut tingmialikiyit pikaktut nutaanik akiit ayokhaktut autlaagutaiik. Foniklugit tingmialikiyit ilinik ukaklugit hunmat.

Tingmialikiyit Fonikviit	
Top of the World Travel (Yellowknife)	1.867.766.6000
First Air	1.800.267.1247
Canadian North	1.800.661.1505
Calm Air	1.800.839.2256

**Autlaagutit Ikeyugutikhait**

Autlaagutit Ikeyugutikhait. Hamna ikayugutikhait ikayuniaktut ilanganik autlaagutit akiit ilihakvinut. Ilaukatauguvit, pilaaktut nutakatit ovalo/ovaluniit aipait pilaaktunik hapkoa ikayugutikhait.

Autlaagutit ikayugutikhait ilauniaktut utiktigutikhainik tingmitjutikhait angilganit hanianut ilihakviit tuniyut hapkoa pilihimayuit ilihaniaguvit Ukiuktaktumi **OVALUNIIT** Hanianut nunait ilihakvinut ilihaguvit Nigiagani Kanatami.

Autlaagutit ubluit piniaktut iluanik malguuk ubluit pilikata ovalo inikata ubluanut. Piyumaguvit autlaaniaguvit kiamik, apigiyakhatit FANSkut titigakviit. FANSkut akililaitait utikgutihait autlaagutit autlaangitkuvit malgunik ubluit ilihaktaavinik inikata, kihimi talvaniitkuvit auyammii havakuvit. Tuhaktiyakhatit FANSkut kilamik, hamna piniagunik.

**Autlaagutit Utiktigutikhait Akiit**

FANSkut aivakhimayait naunaiyautainik akiit autlaagutit. Akiliniaguvit inminik tingmitjutikhait aaakiit, FANSkut utiktiniaktut akiit naunaiyakhimayunik ilihimayait hapkoa naunaiyautainut. Piniaktutit tunilutik akilikhimayanik utiktigiagnaik akiit. FANSkut akiliniaktait hiniktakviit hiniktaniaguvit kitkanit Ukiuktaktumi angilganut ovaluniit hanianut nunait autlaagutainik.

**Ukiumi Aliahukvimi Autlaagutikhait**

Ikpinaaktuk nalungilutit FANSkut akiliniaktait autlaagutitit angilganut ukiumi aliahuktitlugit TALVATUAK ilakatitit pingitpata autlaagutikhait ikayugutikhainik ataani ilanganik kinauyakhait. Nutakatit ovalo/ovaluniit aipait ilautaakhimakpat ilihaktitlutit, pilaitutit ukiumi aliahukvimi autlaagutainik ikayugutikhainik.

**Ihuakhagutikhait Autlaagutikhat**

Munagiyakhatit ilinik autlaagutikhat ihuakhagutikhait.

- Talvatuak autlaaniaguvit HANIANUT NUNAIT ovaluniit iluani NUNAVUT, foniklugit tingmialikiyit ilinik..
- Piniaguvit KINGULIANIK TINTMITJUTIKHAT, foniklugit Top of the World Travel munagiyiit..


Naunaiyatjavutit FANSkunit angiktakhait ilihaktut, piyaanganik FANSkut akiligutikhait hamna ikayugutikhat kitkanit.

Ihuakhatjavutit autlaagutikhatit kilamik. Atulaagutikhait ihuakhaktukhat HANIANIK ATAUHIMIK UBLUIT KILAMIK Autlaagutikhanit ublua pipkaiyaanganik FANSkut angigutikhait ovalo ihuakhaitjutikhait akiligutikhainik.

## Kanuk pilaaktatit FANSkut akiligutikhait

Akiligutikhait iliniaktut ilinut kinauyaligiit hivulimi ovla 15mi tamaat tatkihiutit. Piniaktutit 70%mik kinauyakhait hivulimi ovalo ilanganik 30%mik 15mi.

Nunavumi Kinauyaligiit	
<b>CIBCkut</b>	1.800.465.2422 (foninga akiituk) 1.867.979.8663 – Iqaluit 1.867.645.2863 – Kangiklinik
<b>RBCkut</b>	1.800.769.2511 (foninga akiituk) 1.867.979.8700 – Iqaluit 1.867.645.3260 – Kangiklinik 1.867.983.2007 – Ikaluktutiak
<b>First Nationskut</b>	1.877.975.3700 – Iqaluit (foninga akiituk)



Pilaitutit FANSkunit pikangitkuvit kinauyalikiyiit pitkutainik atiitut!

Tunilutit ihuaktunik kinauyalikiyiit tuhagutikhait uktugutikhanut, ilaulugit kinauyaligiit naamait, kitut kinauyalikiyiit ovalo nuutitigutikhait naunaiyautait.

## Uktugutikhait FANSkunut

Takulugit kagitauyakut hamani: [www.gov.nu.ca](http://www.gov.nu.ca) tamamik uktugutikhait makpigaat ovalo takulugit FANSkut titigakviit hamani:

1.877.860.0680 ovaluniit [FANS@gov.nu.ca](mailto:FANS@gov.nu.ca)

## Kinauyakhait Uktugutikhait umigutait ubluit

FANSkut piyumayut ilinit kinauyakhait kilamik. Ikipinaktuk piliklutit uktugutikhat atugutikhait kilamik. Kinguvaktut uktugutikhait pilaaktut 30mik ubluit umiktigutainit kihimi havalaitut kihimi pitaakhimayut uktugutikhait inikata.

Akiligutikhait kinguvakhimayut uktugutikhait ilaani pilaitunakhiyut piliktinagit pilihimayuit autlagutait ubluit.

Pilihimayut Piligutait Ubluit	Uktugutikhait Umiktigutait Ubluit
<b>Ukiakhami - August 15mi - September 30milo</b>	July 15mi
<b>Ukiumi - Pilikpaktut Januarymi</b>	November 15mi
<b>Upingaami/Auyami - April 15mi - May 31milo</b>	March 1mi
<b>Tamamik aalat</b>	Siksiniik (6) ubluit piliktinagit ubluit

*Ihumaguvit pihimayutit angitkiyainik kinauyakhanik pilaaktanit, takulugit FANSkut titigakviit kilamik. Utiktiklugit avataanut akilihimayut kilamik takuvunik.*

## Ilihaktut Ikayugutikhait

Kavamatkut Nunavumi ilitagihimayut ilihagutikhait nakuutiaktumik Nunavumi nunakatigiit. Hapkoa ilihaktut ikayugutikhait tunivaktut FANSkut pilaatunut ilaukatauyut 1005mik iliniagiakpaalivimut ilihaniaktait.

### Krat 12mik Ilihaktut ikayugutikhait – \$500

Inikhimayukhayutit Nunavumi ilihakvianit ovalo pikaklutit 80%mik ovaluniit avataanut kitkanik Krat 12mit. Inikhimaguvit Nunavumi ilihakviinit ovalo pikaguvit pitkutainik hapkoa ilihaktut ikayugutikhait, pitkulugit ilihakviit tunilugit aatjikutainik ilihakhimayatit iniktigutainik FANSkunut titigakviit.

### Ilihaliaaktut Iliniagiakpaalivimi Ikayugutikhait – \$750

Piniaktutit kitkanik “Amik” kingulimit ukiut iliniagiakpaalivimi ilihagutait. Nunavumi nunakatigiikhimayukhayutit ukiunik ilihaniaktutit nani ilihaktut ikayugutikhait uktugutikhainut.

### Inikpiagutikaktut Ikayugutikhait – \$1,000

Piniaktutit kitkanik “Amik” kingulimi ukiut iliniagiakpaalivimi ilihagutait ovaluniit hivulimi ukiuk iniktinahuaktut ilihagutainik. Nunavumi nunakatigiikhimayukhayutit ukiunik ilihaniaktutit nani ilihaktut ikayugutikhait uktugutikhainut.

### Taaktigutikhainut Ikayugutikhait – \$1,500

Piniaktutit kitkanik “Amik” kingulimi ukiut tamaat iniktigutikhait ilihaktakhaiik. Nunavumi nunakatigiigutikhayutit ukiunik ilihaniaktutit nani ilihaktut ikayugutikhait uktugutikhainut.

Puigungilutit ihivgiuklugit tamamik ilihagutikhait ikayugutikhainik pilaaktatit. Takulugit hamani kagitauyakut: [www.scholarshipscanada.com](http://www.scholarshipscanada.com) piligiaganik inminik kinikhiatjutikhait!

## Ilihaktut Munagitjutikhait

### Nakuutjutait Tuhagutikhait

Ilihaktut takupkaiyukhat nakuutjutainik tuhagutikhainik ovalo ilihagutait piyaanganik FANSkunit kinauyakhait. FANSkut ukakhimayut nakuutjutait tuhagutikhait iniktikhimayut hanianik 60%mik tamaat ilihaktait. Ukautait tamaat ilihaktait aatjikiingit ilihakviinit aalanit.

*Munaitjutikaktutit ilihaktutit nalungilutit hunauyut ilihakviit ihumagiyaait tamaat ilihaktakhat.*

### Nutkaktigutait

Pingitkuvit nakuutjutainik tuhagutikhait maligutikhainik nutkaktilaaktutit FANSkunit.

Nutkaktigutait piniaktut pingahunik ukiunik iniktigutainit ilihakhimayanit nakuuyumik inikhimaitjutainik kihimi:

- Nakuuyumik inikhimaguvit atauhimik hitamiinik hanianut 60%mik tamaat ilihaktakhatinit akilingitainik FANSkut.
- Akiligunik tamaat kinauyat FANSkut akilihimayainik ilinut hitamiinik pingitanik nakuutjutainik tuhagutikhait pihimayainik.
- Taimaaguvit aalanut hunmat titigakhimayumik taaktinit ovaluniit aalanit ayongitunit.

### Taimaagutait ilihakviinit

Tuhaktitakhatit FANSkut titigakviit iluani 30mi ubluit taimaakhimayutit ilihakvinit. Kanugitaakhait FANSkut ikayugutikhait ilinut, akiliniaktatit ilangit/tamaat kinauyakhat pihimayatit.



## ALTSkut (Inikniit Ilihagutikhait ovalo Ayoikhaitjutikhait Ikayugutikhait)

Tuggaakhimayut inikninut ilihaktut naitunik ayoikhaitjutinik ilaungitut FANSkut ilanganik, kinikhiyaanganik hivumut nuutitigutikhait ayoikhaitjutikhainik hapkoninga:

- Angiliyaanganik ayoikhaitjutait ovalo pipkaiyaanganik pilaaktainik havagutikhait; ovalo
- Ikayugiaganik kitkaniit ilihakviinit ovalo ilinagiakpaalivimit iihagutikhait.

Pinahuaktait FANSkut pilihimayuit ikayugiaganik tikitjutikhait Nunavumi havaktiit kinikhiatjutait piyumayainik paknaiyagiaganik Nunavumiut hapkoa piyumayainik. Taimaimat, Nunavumi havaktiit kinikhiatjutait maligutait aalangulaaktut ovalo ilaani tamamik ayoikhaitjutait ihumagiyauniaktut ikayugiaganik ukiuk tamaat.

## ALTSkut Maliktait

- Tamamik ilihaktut ikayugutikhait pihimayakhainik maligutaiik ovalo keeliniinik;
- **Uktukhimalutit kilamik** ilihaktut ikayugutikhait **pikangitut** pilaagutainik! (angiktaulaitutit ilihaktut ikayugutikhainik aalatkiinut hunmat, ilaa: kinauyamik akiliktukhauniguvit kavamatkunut, ayoikhaitjutait apigiyainik havaktiit kinikhiatjutait hivuliuhumat Nunavumi ovaluniit kinauyakhainimat pilaaktainik);
- Tamamik ilihagutikhait ovaluniit ayoikhaitjutikhait kinauyakhalaitut aatjikutimik;
- Ilihaktut ikayugutikhait kinauyakhainik **ilinut** **“akiliungitut”**; kihimi kinauyakhait **ikayugutauyut** Ikayugianik ilihaktitlutit ovaluniit ilautitlutit ayoikhaitjutainik. “Havaktiungitutit” ikayuktinit. Pikaktut ilinit ikayuklutit akiit kinikhiatjutainik ayoikhaitjutit ovalo/ovaluniit ilihagutainik.
- Munagitjutikaktutit mikhaanut piyanik ikayuktinit ilaa:
  - ilihainaklutit;
  - nakuuyumik ilihaklutit pilutit;
  - akiliklugit ilihagutikhait ovalo akiit ilihakvinut;
  - tunilutit akiliktanik naunaiyautait CDOnut piyaanganik kinauyait utiktigutikhainik;
  - maliklutit maliktigutainik ilihakviit.

Ilihaktut ikayugutikhait ataani  
ALTSkut pilihimayuit ilangit  
pilaitut ilaa, keelinikagamik  
kinauyakhainik

## ALTSkut Pilaagutait

### Ilvit piniaktutit:

- Kanatamiutaulutit ovaluniit nunakatigiihimalutit naunaiyautainik;
- Nunakatigiihimalutit Nunavumi;
- Piyumalutit ayoikhaitjutikhainik ilaukatauyaanganik havaktiinut; ovalo
- 18nik ukiukaklutit ovaluniit avataanut ovaluniit inikhimalutit ilihakviinit ovaluniit angiktauhimalutit ayoikhaitjutikhainik paknaiyautikhainik ilanganut Ilangani 34(5) Ilihaktituiyit Pikuyakyuami;
- Uktukhimalutit hitamanik (4) ublunik pilihimayuit ublua piliktinagit.

### Pilihimayatit ilauyukhat atauhimut hapkoa ilanganut:

- Ilihagutikhait hivumut ikayuniaktut havaktikhainik tikitumayainut;
- Havaktinagit ayoikhaitjutait;
- Taiguagutikhait pilihimayuit havaktakhainik mikhaanut ilanganik;
- Inuuhiit ayoikhaitjutikhait pilihimayuit;
- Havakvikhainut ayoikhaitjutikhait;
- Havaktinagit ayoikhaitjutikhait;
- Ayoikhagaagutikhait havagiaganik ayoikhaitjutait.

### OVALO piniaktut:

- Ihumagiyaulutik tamaat, angitkiyainik 30mik ikaaniit ublunik ilihaniaktuk, ilaulutik havakvikhainik ayoikhaitjutait ilanganut.

### Ikayuktauyumayut ihumagiyaulaaktut pilaitut pihimagumik hapkoninga:

Akiliktakhakaguvit Kavamatkunut Nunavumi PILAITUTIT ALTSkut kinauyakhainik. Hamna ilauyut atukigutainik FANSkunut.

Inikhimaitkuvit kingulimi ayoikhaitjutikhainik pilihimayuit kinauyakhakhimayut Kavamatkunit Nunavumi, PILAITUTIT ALTSkut kinauyakhainik;

- Ikayuktauhimayut unguvaktauhimayut ayoikhaitjutainit ihuinaakhimagami;
- Ikayuktauhimayut takupkaingikumi hivumut nuutitigutainik iniktigutikhainik havakvianit paknaiyautainik (Ilaa: utiktiinaktuk pilihimayuinik ukiut tamaat inikhimaitumik);
- Ikayuktauhimayut tuningitpata tuhagutikhainik ovaluniit ihuinaakhimayait tuhagutikhainik uktugutikhainut.

### Nunavumi Inikniungititlugit

Ayoikhaitjutikhait (NEAT) pilihimayuit pipkailaaktut ilihaktunut tikiliktut 16mi ovaluniit 17mik ukiut piyaanganik ayoikhaitjutikhainut. Ilaukatauyut NEATmut pilihimayuit maliniaktut maligutikhainik havaktakhainik Ayoikhainiagutainut ataani Ilangani 19 Ayoikhaitjutikhainut, Ayoikhaktakhainut ovalo Havagaagutikhainut Iniktigutikhait Maliktikhait. Angiktauhimayut NEATmut ayoikhaitjutikhait pilaaktut ilihagutikhait ikayugutikhainik ataani ALTSkut pilihimayuit.

## ALTSkut Keeliniit

Kinauyakhait tunilaaktut atuklugit havaktiit kinikhiatjutainik hivuliuyut nunani aviktukhimayut ovaluniit Nunavumi. Ayoikhaitjutikhait kinauyakhalaitut pihimaitpata hapkoa hivuliuyukhat. Takupkaiyukhayutit ilanganut kitkani kanugit ayoikhaiyumayatit ovalo havaktakhait pilaaktainik mikhaanut.

ALTSkut kinauyakhait keelinikaktut. Ikpinaktuk uktuklutit kilamik naluhuiguvit ayoikhaiyumayanik. Ilaani kinauyakhaluangit kinauyakhainik tamamik ilihaktut, ukiuk tamaat.

ALTSkut talvatuak kinauyakhalaaktut:

- Ilitagiyauhimayut Inunit kinauyakhakpaktut ilihakviit;
- Inminik havakviit titigakhimayut ovalo angiktauhimayut ayoikhailaaktut;
- Titigakhimayut kinauyaliungit havakviit, tunivaktut ayoikhaitjutikhainik angikhimayut GNkunit.

## ALTSkut Ilihaktut Ilangit

Ihivgiuklugit Munagiyit Ilihaktituiyit kagitauyakut takulvia takuyaanganik Atuktait Naunaiyautainik Katitigutait pilihimayuit tunivaktut Nunavumi. Hamna ikayulaaktut naunaiyagiaganik kitut ilihagutikhait pilihimayuit pilaaktut FANSkuni ovalo kitut ALTSkuni.

ALTSkut kinauyakhait keelinikaktut. Ilaani pikaluangitunakhiyut kinauyakhainik kinauyakhagiaganik tamamik ilihaktut ukiuk tamaat. Hamna ukaktut paknaiyklutit ovalo uktuklutit kilamik

## ALTSkut Naunaiyautait

Aalatkiit Ikayugutikhait	Ukautait	
Ilihagutikhait Akiit	hanianut \$3,700mik ilihagutait ukiut (akiliktait pihimayakhait)	
Makpigaat ovalo Hanalgutikhait	hanianut \$500mik (akiliktait pihimayakhait)	
Nutaat Hanalgutikhait	hanianut \$500mik (akiliktait pihimayakhait)	
Ilihagutait Ikayugutait	hanianut \$500mik (akiliktait pihimayakhait)	
Angilgaminit autlakhimayut kinauyakhait	hanianut \$350.00mik malgunik ubluit (iklut akiligutait angigutaanut pihimayakhait)	
Ayoikhaitjutait Ikayugutikhait*	Ayongitut Ayoikhaitjutikhait ovalo Ayoikhaitjutait Hanatiligiit <ul style="list-style-type: none"> <li>• NACKut Iniktigutait Pilihimayuit (ilaa: Titigakviit Munagiit)</li> <li>• Akhaluutunik Havaktukhat</li> <li>• Ayoikhaitjutait Ayongitut Ayoikhaitjutikhainik</li> </ul>	\$400mik/ubluit
	Taigualaagutainik ovalo Havakvikhait Ayoikhaitjutikhait <ul style="list-style-type: none"> <li>• Naluhuigutikhait Uyagakhiuktunut</li> <li>• Mikiyut Inikutit Ihuakhaitjutait</li> <li>• Havaktinagit Ayoikhaitjutait</li> </ul>	\$300mik/Ubluit
Autlaagutikhait (Ilihaktunut talvatuak)	Tingmitjutikhait akiit – angilgaminit ilihakvianut, akituvalaangitumik (atauhimik)	
	Nunaini – akhaluutikut akituvalaangitumik: \$0.545mik km ovaluniit atuktainik GNkut naunaiyautait	
	Autlaaktitlugit hiniktakvikhait tunilaaktut ilihakvianut hiniktaniagumik tikitigutainut	
Aniagutilit Ikayugutikhait	Tamamik ihivgiuniaktut, angiktaugumik Munagiit Havagaagutikhait Hanatiligiit	
Nutagalikiit	Ikayugutikhait naunaiyautainik ataani kinauyaliuktait ikayugutikhait pilihimayunit	
Tamaat Ayoikhaitjutikhait	Anginikhaamut \$20,000mik* (angilihimayut \$15,000mik)	

\* Aviktukhimayut atuniaktut ikayugutikhainik kinikiahimayut piyaanganik amigaiyaanganik kaft ilihaktut piyaanganik ilanganut ikayugutikhait.

Nani pikpata ayonaktut pihakpata (hilat, tingmitjutikhait kinguvakpata ovaluniit aalanik pikpata inminik munagilaitainik), ALTSkut munaginiaktait hiniktakviit akiit. Tuniyukhauyutit akiliktanik titigainik hunavalunik akiliktaait pihimayut.

## Autlaagutikhait ovalo Akyagutikhait

ALTSkut autlaagutikhait ikayugutikhait angilgaminit ilihakvikhainut talvatuak piniaktut **ILINUT**. Nutakatit pilaitut autlaagutikhainik ikayugutikhait ataani ALTSkut.

## Tingmitjutikhait akiit

ALTSkut akiliniaktait akiit utiktigutikhainik autlaagutikhait ayoikhaivikhait nunainut atuklutik akituvalaangitumik.

- 1 Ilvit CDO tuniniaktuk ilinut tuhagutikhainik piyumayat ihuakhagiaganik autlaagutikhat.
- 2 Kagitauyakut tunilugit ovaluniit fonikluti Top of the World Travel hamani: 1.867.766.6000 ovaluniit kagitauyakut: ALTS@topoftheworldtravel.com.
- 3 Top of the World Travel ihuakhaniaktait autlaagutikhat ovalo takupkailutik autlaagutikhanik ilinut CDO angigiaganik.

\* Talvatuak utiktigutaitumik tingmitjutikhait ihuakhaktauniaktut. Ilvit CDO angilaaktut autlaagutikhat haniaut malgunik ubluit piligutainik ublua ayoikhainiagutinik ovalo haniaut malgunik ubluit iniguvit ayoikhaitjutinik.

## Tingmitjutikhat Aalangugutait

Aalanguktilaitutit tingmitjutikhat angiktauhimaitumik Havagaagutit Hanatiligiyit Havaktiit (CDO). Piyumaguvit avataanuklugu autlaagutit, munaginiaktutit tamaat akiit mikhaanut tingmitjutikhat aalangugutait ovalo aalat akiit mikhaanut avataanungakhimayut autlaagutit.

Aalangugunik tingmitjutikhat, munaginiaktutit akiligutikhait aalangukhimayut akiit.

## Nunani Autlaagutikhait

Akiinik utiktillaaktutit naamaktunik nunami autlaagutikhait akiit (ilaa, taaksiit tingmiakakvimit angilganut ovalo/ovaluniit ayoikhaivinut). Pihimalutit titigainik akilikhimayanik akiit utiktigiaganik.

## Anugimik Kinguvakhimayut

Nani pikpata ayonaktut pihakpata (hilat, tingmitjutikhait kinguvakpata ovaluniit aalanik pikpata inminik munagilaitainik), ALTSkut munaginiaktait hiniktakviit akiit. Tuniyukhauyutit akiliktanik titigainik hunavalunik akiliktaait pihimayut.

## Nutagaligiyyit

ALTSkut ikayulaaktut nutagaligiyyit akiinut akiligiaganik akiit pilaakata.

Pilaagiaganik hamna ikayugutikhait:

- Nutakat nutilikiniitut ataaniiniaktut 12mik ukiunik, kihimi nani pilaakata (ilaa, angayukaakaktukhat ilihaktitlugit munagiyaayukhat ihuakhakhimakpata);
- Makpigaat/Akilihimayait tuniyaayukhat tamaat naunaiyautainut utiktigumayait;
- Apigiyaulaaktutit tunilutit naunaiyautainik munagiyyit nutakanik akiit utiktigumaynik.

Nutagakakvikhait akiit nutakanut		
Laisinsikaktut Nutagakakviit	Akiit anginikhaamut \$45/ubluk tamaat	Akiit avataanungalaituk \$700/tatkikhiut tamaat
Inminik Nutagakakviit	Hanianut anginikhaamik \$45/ubluk tamaat	Avataanungalaituk \$500/tatkikhiut tamaat

## Uktugutikhait ALTSkunut

Uktugutikhait ALTSkunut aalangayut tamamik Inunut.

Tamamik uktugumayut piyumayut ukakatigiyakhait Havagaagutiligiyyit Hanatiligiyit Havaktiit (CDO) ukagiaganik inminik kanugitit pihimayait ovalo ikayulaagutainik.



www.gov.nu.ca  
 Qikiqtani - 1.800.567.1514  
 Kivalliq - 1.800.953.8516  
 Kitikmeot - 1.800.661.0845

## Uktugutikhait umiktigutait ubluit piyukhat hanianut hitamanik (4) ubluunik ilihaniaktanik piliktinagit ublua.

Pikaktutit inminiiigutainik apigilutit mikhaanut **uktugutikhait ihivgiuktaulutik** Angingitkuvit angigutainik Havagaaktiligiyyit Hanatiligiyit Havaktiit mikhaanut ikayugutikhait pilaaktanik. Apigilaaktut ihivgiuklugit piniaktut titigaklutik ovaluniit kagitaayakut CDOmut ovaluniit atanguyainut Munagiyyit Ilakatigiit Ikayuktiit. Apitkutait tuniyukhat iluani 3omi ubluit angigutainit ovalo ilaayukhat:

- Angigutait angikhimangitkuni;
- Hunmat angigutait ihivgiuktauyukhat;
- Iniktigutait piyumayatit hamani;
- Atiit atiklugit, ublua ovalo foniit tuhagutikhainik.

Ilaa, uktutjavut kilamik  
piyaanganik naamaktumik  
ubluit ihuakhiyaanganik.

## Kinauyakhait Uktugutikhait Umiktigutait Ubluit

Pikangitut ilihimayainik umiktigutait ALTSkut.  
Uktuktukhauyutit hanianik hitamanik (4) ubluinik  
ilihaktakhatit piliktinagit ublua.

Kihimi, keelinikaktut kinauyakhainik ovalo ALTSkut pivaktut  
hivuliuyut ihivgiuktauniaktut, hivuliuyut takuniaktut pilihimayuit.

Pitinatit kinauyakhanik piyaanganik, piniaktutit iniklugit  
Havaktiligiyit Ikayugutikhait Ikayuktiit ovalo ALTSkut  
uktugutikhait Havagaaktiligiyit Hanatiligiyit Havaktiit (CDO).  
Hamna kilamik angiguvit ayoikhaiyumayutit. Piniaktutit  
tunilutit titigakhainik angigutainik takupkaiyaanganik  
angiktauhimayutit ayoikhaitjutikhainut pilihimayuit.

## Uktugumayut Munagitjutikhait

Himautikhainut piyaanganik ALTSkut kinauyakhait  
uktugumayut munaginiaktut pilutik ilaukataunginalutik  
maliktakhait ovalo hapkoa:

- Takupkailutit nakuuyumik hivumut nuutitigutait  
pilihimayuininut;
- Akiliklugit tamaat akiit mikhaanut pilihimayuininut;
- Tunilutik akiliktainik makpigaat piyakhainik;
- Takupkailutik naamaktunik pitiagutainik ovalo  
ilihagumayainik; ovalo
- Maliklugit ilangit maligutikhait titigakhimaitut hamani,  
pihimayut iluani Ilihaktut Ikayugutikhait Angigutaanut  
ikayuktauyunit havaktiit.

Pingitkuvit iniktigutikhainik hamani piyakhainik, akiliniaktatit  
tamamik ovaluniit ilanganik ilihaktut ikayugutikhait akiit  
tunitaakhimayainik.

Hamna pikpata, ilihaktut ikayugutikhait Munagiyinit Ilakatigiit  
Ikayuktiit ikayukataulaitut kihimi ihuakhagunik akiliktakhat  
ovalo/ovaluniit aalat maligutikhait pikpata.

**Naamaktut atugutikhait  
paknaiyagutikhait ilihaktitlutit**



## Munagilugit kinauyakhait

Kinauyakhait ihuakhatialugit atugutikhait ikpinaktut ilihaktitlutit. Atuklugit hamani maligutikhait havagiaganik akiligutikhait ovalo piyaanganik kanugitut ihumagiyakhait kanuk atuniaktanik aipaanganut ukiumi:

	Ihumagiyait Akiit	Akiliktakhait Akiit
Ilihagutait ovalo Akiit		
Makpigaat		
Iklukhait Akiit		
Nikikhait Akiit		
Autlaagutikhait Akiit		
Ilangit Akiliktakhait		
Hilataanit Pitkutikhait Akiit		
Tamaat Akiit		

## Aniagutit Munagitjutikhait

Ilihaguvit hilataanit Nunavumit, iniktiktukhauyutit aalangutainik tuhagutikhait makpigaat ovalo tunilutit aatjikutainik ilihakviit titigait angigutainik ilauyaanganik ataani Nunavumi Aniaktailigiyit Tutkuktuiyit Paknaiyautainut (NHIP). Aalanguktut tuhagutikhait uktugutikhait titigakhimayukhat NHIPkunut titigakviit. Sukatukut pingilugit, angiktaulainmata.

Tuhafaagumaguvit ovalo apigilutit aatjikutainik hapkoa makpigaat, kagitauyakut tunilugit hamunga: [nhip@gov.nu.ca](mailto:nhip@gov.nu.ca)

## Kigutinu Munagitjutikhait

Ihivgiuklugit angayukaanut ovaluniit munagiyanut mikhaanik inminik tutkuktuitjutait pikaktut munagiyaugavit nutagauplutit.

## Inuit Ilihaktut

Pilaaktutit kingunik ikayugutikhainik ilaungitut inminik tutkuktuitjutainit ataani Tutkuktuitjutikangitut Aniagutit Ikayugutikhait (NIHB), pikaguvit Nunavut Aniaktailigiyit Munagiyit makpigaat naunaiyakhimayut Inuuyutit. Tamamik kigutiligiyit havaktakhait angiktauyukhat NIHBmit munagiyaunatit.

Tuhafaagumaguvit, kagitauyakut titigaklutit hamani: [nhip@gov.nu.ca](mailto:nhip@gov.nu.ca)

## Akhaluutikut Laisinsiit

Nunavumit nunakatigiiguvit aalangutilaitutit akhaluutikut laisinsiit ilihaktitlutit hilataani Nunavumi.

## Nigualaagutit Nunavumi Niguaktiligiyini

Ilihaktitlutit, nigualaaktutit Nunavumi niguaktiligiyini hilataani angilgavinit ilihaktitlutit, nigualaaguvit.

Nigualaaktutit hapkonani pikaguvit:

- Kanatamiutaguvit;
- Ukiukaguvit 18mik ovaluniit avataanut Niguaktiligiyit Ubluan; ovalo
- Nunavumi nunaktigiikhimaguvit atauhimik ukiumik Niguaktiligiyit Ubluanut.

Tuhafaagumaguvit, takulugit hamani kagitauyakut: [www.elections.nu.ca](http://www.elections.nu.ca)

**Nunakalguvit hilataanit angilganit Nunavumi niguaktiligigitlugit, nigualaaktutit nutaamik niguagutainut. Piyaanganik, piniaktutit imaatut:**

**Titigakhimalutit niguagianik: kitukut kagitauyakut, titigakut ovaluniit inminik Niguaktiligiyit Havaktiinut angilgani. Tuniyukhauyutit naunaiyautainik kinauyutit (hamna ilaayut atauhimik naunaiyautainik kinauyutit, ilaa; atii ovalo titigakviit ovaluniit malgunik naunaiyautikhanik; atauhik atikalunik ilinik ovalo atauhimik titigakvinik).**

**Uktuklutit nutaamik niguagutikhanik: Uktugutikhait nutaamik niguagutikhait inikata aatjikutaatut hamanit. Atauhimik titigaktaaguvit ovalo uktuguvit nutaamik niguagutikhainik, Niguaktiligiyit Nunavumi tuyuniaktaatit niguagutikhanik makpigaat, maligutikhakaktumiklu. Kanatami Titigaligiyit piyumaniaktut atigutininik hapkoa makpigaat. Nutaat niguagutit ublukaktut naunaiyautikakhutik makpigaanik; inikhimayukhat ovalo utiktilugit kilamik.**

## Havagaagutikhait Paknaiyautikhait

Havagaaktiligiyit Hanatiligiit Havaktit hamaniitut ikayugiaganik piyumayanik tikitumayanut. Tunilaaktut havagaagutikhainik ikayugutikhainut, ukautilit, kinauyakhainik tuhagutikhainik uktugutikhait ovalo tuhagutikhait ovalo pitkutikhait ikayugiaganik paknaiyautikhanik hivunikhanut.

*Takulugit nunani Havagaaktiligiyit Hanatiligiit Havakti ihuakhagiaganik takuyumayanik ovaluniit ukakatigiyaanganik havagaagutikhatit tikitumayanut.*

## Uktugutikhait ovalo Makpigaat

### FANSkut Uktugutikhait ovalo Makpigaat:

Uktugutikhait FANSkunut

Uktugutikhait Pikatagiaganik

Uktugutikhait Piyumayait Ihivgiukhimayut Atukigutikhait

Uktugutikhait aipaanut Piyumayait Ihivgiukhimayut Atukigutikhait

Uktugutikhait Titigakut Akiit Utiktigutikhait

Ilihaktut Ilautjutikhait Makpigaat

Aniagutikaktut Ihivgiugutikhait Makpigaat

Uktugutikhait Atukigutikhainik Tunifaagutikhait



FANS

1.877.860.0680

FANS@gov.nu.ca



ALTS

Qikiqtani - 1.800.567.1514

Kivalliq - 1.800.953.8516

Kitikmeot - 1.800.661.0845

### ALTSkut Uktugutikhait ovalo Makpigaat:

ILANGANI A

Havaktiligiyit Ikayugutikhait Ikayuktiit Uktugutikhait

ILANGANI B

ALTSkut Uktugutikhait

## Naitumik Ukautait Atugutikhait Atuktainik

### ALTSkut

Inikniit Ilihagutikhait ovalo Ayoikhaitjutikhait Ikayugutikhait Pilihimayuit, tunivaktut kinauyakhainik ilihaktunut kinikhiayut ayoikhaitjutikhainik.

### FANSkut

Kinauyakhainik Ikayugutikhait Nunavumit Ilihaktut Pilihimayuit, tunivaktut kinauyakhainik ilihaktut ilaukatauyunut Iliniagiakpaalivimut ilihagutikhait pilihimayuit.

### Kinauyakhait

Ilangit kinauyakhait tunivaktut ilihaktunut akililaitait ilihagutait ovaluniit ayoikhaitjutait inikhimakpagit.

### Atukigutikhait

Ilangit kinauyakhait tunivaktut ilihaktunut akililaitait ilihagutait ovaluniit ayoikhaitjutait inikhimakpagit. Ilaani, ilangit atukikhimayait akililaitait ilihaktut utikata inuulutik ovalo havagumik Nunavumut (aatjikutaa FANSkut Hivuliit Atukigutait.

### Atuktait Naunaiyautainut Katitigutait

Katitikhimayut hanahimayait ovalo pihimayait Kavamatkut Kanatami ukakhimayut tahapkoa ilihakvikhait pilaaktunut tunivaktut Iliniagiakpaalivimik naunaiyakhimayunik pilihimayuit pilaaktut ilihaktut atukigutikhainik ovalo kinauyakhainik. Tamamik Pravinsiit ovalo Nunakpait pihimavaktut katitigutainik naunaiyakhimayainik pilihimayuit kitunik ilihaktut pilaaktut atukigutikhainik ovalo kinauyakhainik. Nunavumi hamna katitikhimayut katitiktavuktut ovalo munagiyauplutik Munagiyit Ilihaktituiyit.

### Nunavumi Ilaukatauyut

Ilaukatauyut ataani Nunavumi Nunataagutit Angigutaanut.

### Nunavumi Nunakatigiiktut Nunavumi Ilihakhimayut

Nunavummiut ilauhimayut ilanganik ovaluniit tamaat ilihakhimayut Nunavumi.

### Nunavumi Nunakatigiiktut Nunavumi Ilihakhimaitut

Nunavummiut ilihakhimaitut Nunavumi.

### Ilihaktut Ikayugutikhait

Kinauyakhait ovaluniit akiligutait tunihimayut ikayugiaganik ilihaktut ilihagutikhait, tunivaktut atukhugit ilihakhimayainut ovaluniit aalanik inikhimayainut. Hapkoa tunivaktut aalakiinit Ilihakviit, Havakviit ovalo Kavamatkunit.

